

## Die Palz im Herz (nach „Achy Breaky Heart“)

(Musik: Don Von Tress / Text: Günter Mannweiler)

1. Fer uns Pälzer, 's is bekannt,  
is die Palz es schänschte Land,  
un do, ihr liewe Leit, sinn mir dehääm.  
Die Hinnerpalz, de Rhei,  
de Saumaa un de Wei,  
die Pälzerwald, die viele Keschdebääm.

2. Die Felse rund um Dahn,  
die hann's uns angetan  
un die Burgruine aus vergang'ner Zeit.  
Wer in de Palz mol war,  
dem is ach sofort klar:  
Die Pälzer, das sinn ganz besonn're Leit

Refrain:

Ich trag im Herz, ihr Leit, das sinn kä Ferz,  
mei Heimat, mei schäni liebi Palz.  
Denn do bin ich gebor,  
wär wo annerscht ganz verlor,  
drum bleib ich do in meiner Palz.

Instrumental

3. Do werd die Wutz geschlacht  
un dodraus Worscht gemacht  
do bei uns im schöne Pälzerland.  
Un de Parre, jo mer staunt,  
geht am Sunndaa gut gelaunt  
in die Kerch mit em Peifche in de Hand.



4. Laaft e Schorle in de Palz  
durch de dorschdisch Pälzer Hals,  
is im Dubbeglas ach Wasser mit debei.  
Doch vum Wasser, do darf bitte,  
ja das is bei uns so Sitte,  
nur ganz wennich in de Schorle mit enei.

Refrain: Ich trag im Herz ...

